

(Hmong)

**TSEV KAWM NTAWV IB CHEEBTSAM HAUV NROOG
APPLETON COV LUS TXHUA XYOO QHIA TXOG KEV XA
NPE MUS RAU THIAB SOJ NTSUAM RAWLS LI KEV COJ
NTAWM KEV KAWM NTAWV TSHWJXEED**

Yog raws li qhov tau thov thiab hais kom ua, Tsev kawm ntawv ib cheebtsam hauv nroog Appleton yuav tsum soj ntsuam ib tug menyuam saib puas tsim nyog tau txais cov kev pab los ntawm kev kawm ntawv tshwj xeeb. Qhov hais thov kom muaj kev soj ntsuam mas hu ua kev xa npe mus rau. Thaum uas tsev kawm ntawv tau txais lub npe xa mus txog lawm yuav tau xaiv ib pab neeg yog cov saib kev teeb homphiaj rau txoj kev kawm kom lawv los txiav txim saib tus menyuam puas muaj qhov nws ua tsis tau thiab saib puas tsim nyog muab cov kev pab tshwj xeeb rau nws. Tsev kawm ntawv tshawb nrhiav kom tau, kom paub txog thiab soj ntsuam txhua tus menyuam uas yog niam txiv tau coj tuaj mus cuv npe kawm ntawv nyob rau cov tsev kawm ntawv ntiav, tsev kawm qib tseem yau thiab tsev kawm rau cov loj zog lawm nyob rau ib cheeb tsam cov tsev kawm ntawv uas muaj qhov ua tsis tau kawm tsis tau.

Tus kws kho mob, tus pab tus kws kho mob, tus kws soj ntsuam kev xav, tsu saib xyuas kev sib haum xeeb, los yog tus thawj tswj ntawm ib lub chaw ua haujlwm pom tau thiab ntseeg tau hais tias tus menyuam uas coj tuaj rau lawv mas muaj tej yam nws ua tsis tau muaj cai muab tus menyuam ntawd lub npe xa mus rau ib cheeb tsam ze rau ntawm tus menyuam qhov chaw nyob kom muaj kev soj ntsuam txawm yog tus menyuam nyob tsis muaj vaj muaj tsev kuj muab npe xa mus tau thiab. Ua ntej yuav xa ib tug menyuam npe mus, tus neeg uas yuav xa tus menyuam ntawd lub npe mus yuav tsum hais qhia rau niam thiab txiv paub txog hais tias yuav muab npe rau tsev kawm ntawv kom soj ntsuam.

Lwm tus, los yog niam txiv yog ntseeg tau hais tias tus menyuam yog ib tug muaj tej yam nws ua tsis tau kuj muaj peevxwm xa npe mus rau tsev kawm ntawv kom nrog soj ntsuam txawm yog tus menyuam tsis muaj vaj muaj tsev nyob los kuj ib yam nkaus thiab muab npe rau tsev kawm ntawv kom soj ntsuam.

Kev muab npe xa mus rau soj ntsuam yuav tsum muab sau ua ntaub ntawv thiab sau hais txog saib yog vim li cas tus neeg xa lub npe ntawd mus thiaj ntseeg tau hais tias tus menyuam ntawd muaj qhov ua tsis tau kawm tsis tau. Kev muab npe xa mus rau kom muaj kev soj ntsuam yog xa mus rau qhov chaw nyob raws li ntawm nov:

**Appleton Area School District
Special Education Office
120 E. Harris Street
Appleton, WI 54911
(920) 832-6129**